

Қазақстан Республикасы мен Ресей Федерациясы арасындағы 1995 жылғы 20 қаңтардағы Эмба полигонын пайдалану және жалға беру шарттары туралы келісімге өзгерістер мен толықтырулар енгізу туралы хаттама жасасу туралы

Қазақстан Республикасы Президентінің 2005 жылғы 22 шілдедегі N 1619 Жарлығы

ҚАУЛЫ ЕТЕМІН:

1. Қоса беріліп отырған Қазақстан Республикасы мен Ресей Федерациясы арасындағы 1995 жылғы 20 қаңтардағы Эмба полигонын пайдалану және жалға беру шарттары туралы келісімге өзгерістер мен толықтырулар енгізу туралы хаттаманың жобасы мақұлдансын.

2. Қазақстан Республикасының Қаржы министрі Наталья Артемовна Коржова Қазақстан Республикасы атынан Қазақстан Республикасы мен Ресей Федерациясы арасындағы 1995 жылғы 29 қаңтардағы Эмба полигонын пайдалану мен жалға беру шарттары туралы келісімге қағидатты сипаты жоқ өзгерістер мен толықтырулар енгізуге рұқсат бере отырып, оған өзгерістер мен толықтырулар енгізу туралы хаттама жасасуға өкілеттік берілсін.

Ескерту. 2-тармаққа өзгерту енгізілді - ҚР Президентінің 2006.04.03. N 84 жарлығымен.

3. Осы Жарлық қол қойылған күнінен бастап қолданысқа енгізіледі.

Қ а з а қ с т а н Р е с п у б л и к а с ы н ы ң

Президенті

ЖОБА

Қ а з а қ с т а н Р е с п у б л и к а с ы

П р е з и д е н т і н і ң

2 0 0 5 ж ы л ғ ы 2 2 ш і л д е д е г і

N 1 6 1 9 Ж а р л ы ғ ы м е н

МАҚҰЛДАНҒАН

Қазақстан Республикасы мен Ресей Федерациясы арасындағы 1995 жылғы 20 қаңтардағы Эмба полигонын пайдалану және жалға беру шарттары туралы келісімге өзгерістер мен толықтырулар енгізу туралы ХАТТАМА

Бұдан әрі Тараптар деп аталатын Қазақстан Республикасы мен Ресей Федерациясы, Қазақстан Республикасы мен Ресей Федерациясы арасындағы 1995 жылғы 20

қаңтардағы Эмба полигонын пайдалану және жалға беру шарттары туралы келісімге (бұдан әрі - Келісім) мынадай өзгерістер мен толықтырулар енгізуге келісті:

1. Келісімнің атауы мынадай редакцияда жазылсын:

"Қазақстан Республикасы мен Ресей Федерациясы арасындағы Ембі полигонын (5580 сынақ жұмыстарын қамтамасыз ету базасы) пайдалану және жалдау шарттары туралы келісім".

2. Кіріспенің төртінші және бесінші абзацтары және 1-баптың бірінші абзацы "Ембі полигонының" деген сөздерден кейін "(5580 сынақ жұмыстарын қамтамасыз ету базасы)" деген сөздермен толықтырылсын.

3. 1-баптың екінші абзацында:

"қосымшада" деген сөздің алдынан "1-" деген цифрмен толықтырылсын;

мынадай мазмұндағы сөйлеммен толықтырылсын:

"Полигонның әскери объектілерінің тізбесі осы Келісімнің ажырамас бөлігі болып табылатын 2-қосымшада келтірілген."

4. 3-бап мынадай редакцияда жазылсын:

"1. Қазақстан Республикасы жер учаскелерін жалға беру шарттарымен Полигонның онда орналасқан объектілерін жылжымалы және жылжымайтын мүлкімен қоса Ресей Федерациясына уақытша пайдалануға береді.

2. "Ембі" сынақ полигонын жалдау туралы 1996 жылғы 18 қазандағы шартқа сәйкес жер учаскелерінің жалға берілу кезеңінде Ресей Федерациясының мүддесінде Ресей Федерациясы Полигонды пайдаланғаны үшін ақы төлеуді жүзеге асырады."

5. 6-баптың 1-тармағының екінші сөйлемі мынадай редакцияда жазылсын:

"Қазақстан Республикасының аумағында уақытша тұрған Ресей Федерациясы әскери құралымдарының, олардың құрамына кіретін адамдар мен олардың отбасы мүшелерінің мәртебесі, сондай-ақ Полигон аумағындағы Ресей Федерациясының құқық қорғау органдарының заңдық құзыры мәселелері Қазақстан Республикасы мен Ресей Федерациясы арасындағы 1995 жылғы 20 қаңтардағы Қазақстан Республикасының аумағында уақытша тұрған Ресей Федерациясының әскери құралымдарының мәртебесі туралы келісіммен және Тараптардың басқа да келісімдерімен айқындалады."

6. 7-баптың бірінші абзацы мынадай редакцияда жазылсын:

"Полигон қызметі Қазақстан Республикасының Қорғаныс министрімен келісім бойынша Ресей Федерациясының Қорғаныс министрі бекітетін Қазақстан Республикасының аумағында орналасқан Ресей Федерациясы Қорғаныс министрлігінің Мемлекеттік орталық тұраралық полигонының құрылымдық бөлімшелері, объектілері және әскери алаңдары туралы ережемен (бұдан әрі - Полигон туралы ереже) регламенттеледі және:"

7 . 8 - б а п т а :

екінші абзацтағы "қалпына келтіруді және" деген сөздер алып тасталсын;

тоғызыншы абзацтағы "міндеттенеді" деген сөз алып тасталып, мынадай мазмұндағы абзацпен толықтырылсын:

"Тараптардың келісімі бойынша айқындалатын, қажет болған жағдайда нысаналар мен ракеталар құлаған алқаптарды қайта өңдеуді міндеттенеді.";

мынадай мазмұндағы он үшінші абзацпен толықтырылсын:

"Ресей Федерациясы Қорғаныс министрлігінің 929 Мемлекеттік ұшу-сынақ орталығының мүддесіне сынақ жұмыстарын жүргізу кезінде Ембі полигонының (5580 сынақ жұмыстарын қамтамасыз ету базасы) жер учаскелері мен әуе кеңістігін пайдалануға осы Келісімнің 7-бабында көзделген ғылыми-зерттеу және сынақ жұмыстарының жылдық жоспарлары негізінде жол беріледі."

8. 9-бап мынадай мазмұндағы абзацпен толықтырылсын:

"Полигон аумағында жер кадастрын және мониторингті жүргізуді, жердің мақсатты пайдаланылуын бақылауды Полигонның қолбасшылығымен келісілген тәртіппен және мерзімдерде Қазақстан Республикасының жер ресурстарын басқару жөніндегі уәкілетті мемлекеттік органы жүзеге асырады".

9. Келісімге "Ембі полигонының жер учаскелерінің шекарасын анықтайтын геодезиялық белгілер мен негізгі нүктелер координаталарының тізбесі" қосымшасы осы Хаттамаға 1, 2, 3-қосымшалармен ауыстырылсын.

Қазақша мәтіндегі барлық "Эмба" сөзі "Ембі" болып жазылсын.

Осы Хаттаманың ережелерін түсіндіру және қолдану кезінде туындайтын барлық даулар мен келіспеушіліктер Тараптар арасындағы өзара консультациялар мен келіссөздер жолымен шешілетін болады.

Тараптардың бірінде бірлескен шешімді талап ететін мәселелер туындаған кезде осы Тарап екінші Тарапты келіссөздер басталғанға дейін 30 күн бұрын жазбаша х а б а р д а р е т е д і .

Осы Хаттама Тараптар оның күшіне енуі үшін қажетті мемлекетішілік рәсімдерді орындағаны туралы соңғы жазбаша хабарлама алған күнінен бастан күшіне енеді.

Осы Хаттама Қазақстан Республикасы мен Ресей Федерациясы арасындағы 1995 жылғы 20 қаңтардағы Эмба полигонын пайдалану және жалға беру шарттары туралы келісімнің ажырамас бөлігі болып табылады және өз қолданысын осы Келісіммен бір мезгілде тоқтатады.

_____ қаласында 200__ жылғы " __ " _____ әрқайсысы қазақ және орыс тілдерінде екі данада жасалды әрі екі мәтіннің күші бірдей.

ҚАЗАҚСТАН РЕСПУБЛИКАСЫ
ҮШІН

РЕСЕЙ ФЕДЕРАЦИЯСЫ

ҮШІН

Қазақстан Республикасы мен
Ресей Федерациясы арасындағы
1995 жылғы 20 қаңтардағы
Эмба полигонын пайдалану

және жалға беру шарттары
туралы келісімге өзгерістер
мен толықтырулар енгізу
туралы хаттамаға

1-ҚОСЫМША

Қазақстан Республикасының аумағында ракеталардың бөлінетін бөліктері құлайтын әскери алаңдардың ШЕКАРАСЫ

Нүкте нөмірі	Географиялық координаттары		Ескертпе
	солтүстік (град. мин.)	ендік шығыс бойлық (град. мин.)	
Ақтөбе облысы Мұғалжар ауданы координаттары шектелген N 1 учаске (солтүстік учаске)			
1	48 26	57 39	
2	48 26	57 47	
3	48 25	57 56	
4	48 24	58 03	
5	48 23	58 09	
6	48 11	58 19	
7	48 04	58 12	
8	47 58	58 14	
9	48 00	57 29	
10	48 08	57 29	
11	48 14	57 33	
координаттары шектелген N 2 учаске (оңтүстік учаске)			
1	47 02	58 06	
2	46 45	58 06	
3	46 45	57 47	
4	47 02	57 50	
алаңы 2 га N 3 учаске Елді мекендегі тұрғын үй және өндірістік объектілер (Эмба-5 әскери қалашығы)			

Қазақстан Республикасы мен
Ресей Федерациясы арасындағы

1995 жылғы 20 қаңтардағы
Эмба полигонын пайдалану
және жалға беру шарттары
туралы келісімге өзгерістер
мен толықтырулар енгізу
туралы хаттамаға

2-ҚОСЫМША

Қазақстан Республикасының аумағында орналасқан, Полигонның әскери объектілерінің

ТІЗБЕСІ

Р/с	Атауы	Орналасқан орны
	5580 сынақ жұмыстарын қамтамасыз ету базасы	Ақтөбе облысы, Мұғалжар ауданы, Ембі кенті.

Қазақстан Республикасы мен
Ресей Федерациясы арасындағы
1995 жылғы 20 қаңтардағы
Эмба полигонын пайдалану
және жалға беру шарттары
туралы келісімге өзгерістер
мен толықтырулар енгізу
туралы хаттамаға

3-ҚОСЫМША

Ресей Федерациясы Ембі полигонында жалға алған Қазақстан Республикасы мүлкінің

ТІЗБЕСІ

Р/с	Атауы	С а н ы (бірлік)	Бас жоспар бойынша N
1	Кешенді ғимарат	1	86
2	Тұрғын үй	1	25
3	"Россиянка" жатақханасы	1	42